

est, qui *temporalis commoditate* atq; *usu* permoti, sive accersant sive admittant doctrinam Hæreticā, iis non sunt absimiles, qui ut experimentum faciant fortuitæ liberationis, mari insiliunt, etsi de iis, qui casu eò dilapsi, res adeò desperata non sit. *Fortuna* tamen volubilis errat! rō posse ergò, clarum est, non autem debere nos ex Hæreticorum doctrina salutem datā operā petere. Matth. XXIII, 2. 10. Sic v. g. à Judæis Medicis possumus sanitati restitui, non tamen eos cupimus, si adsint alij. Sic Elias à corvis satiatus est, sed exemplū regulam non præbet! Ministri enim Anti-Christi, organa sunt operativa DEI, Heterodoxias jugo castigantis, non lactantis. Electos tamen tuetur DEUS, Matth. XXIV. v. 24. Apoc. XIII, 16. IX, 4. VII, 3. XVII, 5. Ex quibus dictis de *Apostatarum* periculo simul ferri h. l. potest iudicium! Matth. XXIII, 13. 15.

## Thef. XVI.

**H**Æretici quidem interdum occultè etiam solent irrepere in Ecclesiam visibilem, atq; Topicam, sed ideò non sunt vera Catholica & invisibilis Ecclesiae membra. Uti ipse Bellarminus confitetur aliquos timore aut commodo temporali permotos, fidem profiteri, & sacris communicare, quos unguibus & capillis ipse comparat. Christus zizaniis, Matth. XIII. 24. quæ uti violenter ante Messem non evelli, ita istos compertos, ob solum vitium intellectuale non occidi, Luc. IX, 54. 2. Cor. X, 4. 2. Tim. II, 25. Tit. III, 10. post unam tamen alteramq; admonitionem vitari, 2. Tim. II, 17. & nisi pacta aut majora obstant pericula, ejici jubet, contra *Acontium*, qui L. VI. de *Stratag. Satanae*. Libertatem Religionum ubivis obtinere debere asserit.